

Qitiusumik ilinniarfiit aquneqarnerat pillugu Namminersornerullutik Oqartussat nalunaarutaat nr. 29, 5. november 1998-imeersoq

Inuussutissarsiutitigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussuttaanni nr. 16-imi, 28. oktober 1993-imeersumi § 1, imm. 4 naapertorlugu makku aalajangersarneqarput:

Kapitali 1.

Kultureqarnermut, Ilinniartitaanermut Ilageeqarnermullu Pisortaqarfik

§ 1. Kultureqarnermut, Ilinniartitaanermut Ilageeqarnermullu Pisortaqarfimmit, kinguliini Pisortaqarfimmik taagorneqartumit, qitiusumik ilinniarfiit aammalu inuussutissarsiutinut ilinniartitaanermi ilinniartut pillugit suliaasaqarfiit aningaasatigut, inatsisilerinikkut, allaffitsigut aqutsinikkut pilersaarusiornikkullu qitiusumik ingerlanneqarnerat isumagineqassaaq.

§ 2. Pisortaqarfiup qitiusumik ilinniartitaanermi ataatsimiititaliap inassuteqarnera naapertorlugu ilinniakkami ataatsimi taassumaluunniit ilaani, aammalu ilinniartitaanerit ataasiakkaat sammiviillu ataasiakkaat ingerlanneqarnerini atuaqatigiit ikinnerpaaffissaat aalajangersartassavai.

§ 3. Pisortaqarfiup ukiut tamaasa inuussutissarsiutitigut ilinniartitaanermi ilinniartussatut tiguneqarnissamik qinnuteqarnermi piffissarititaasut kingulliit periusissallu pillugit paasissutissiinerit pisariaqartinneqartut aallartittassavai.

§ 4. Pisortaqarfiup inuussutissarsiutitigut ilinniartitaanermi ilinniartut atuarnermi Kalaallit Nunaanniingitsut siulersorneqarnerat isumagissavaa. Pisortaqarfik tamatuma oqartussaaffiginissaanut qitiusumik ilinniarfinni sinniisuutitaqarsinnaavoq.

Kapitali 2.

Qitiusumik ilinniarfiit pillugit siunnersuisoqatigiit

§ 5. Qitiusumik ilinniarfiit pillugit siunnersuisoqatigiit qitiusumik ilinniarfinni pisortaasunit aammalu qitiusumik ilinniartitaanermi ataatsimiititaliat siulitaasuinit ilaasortaqartut pilersinneqassapput. Siunnersuisoqatigiit inuussutissarsiutitigut ilinniartitaanernut aammalu inuussutissarsiutitigut pikkorissarnernut apeqqutit tamanut atuuttut aammalu apeqqutit immikkoorutillit siunnersuisuuffiginissaat suliaasaraat.

Imm. 2. Pisortaqarfiup qitiusumik ilinniarfinnut siunnersuisoqatigiit ataatsimeeqataasartussanik ilasinnaavai.

Imm. 3. Pisortaqarfik qitiusumik ilinniarfinnut siunnersuisoqatigiinnut allattoqarfiussaaq.

Imm. 4. Pisortaqarfik qitiusumik ilinniarfinnut siunnersuisoqatigiit suliaasaannut sulinissaannullu

Kapitali 3.

Qitiusumik ilinniartitaanermut ataatsimiititaliaq

§ 6. Pisortaqarfiup ilinniagassat imminnut assingusut annertunerusut iluanni qitiusumik ilinniartitaanermut ataatsimiititaliamik pilersitsinissaq akisussaaffigaa.

Imm. 2. Qitiusumiuk ilinniartitaanermut ataatsimiititaliaq tallimaniit qulinut ilaasortaqarpoq. Pisortaqarfiup qitiusumik ilinniartitaanermut inassuteqarneratigut atuarfimmi qitiusumik ilinniartitaanermi ataatsimiititaliamut kikkut ilaasortaataqarnissaat aalajangissavaa. Sulinerimik inuussutissarsiutillit kattuffii aammalu sulisitsisut kattuffii suliamut tunngassuteqartut isumaqatiginninniarsinnaatitaasullu kiisalu pisortani oqartussaasut suliamut attuumassuteqartut peqatigiiffiillu qitiusumik ilinniartitaanermi ataatsimiititaliami sinniisuutitaqassapput. Qitiusumik ilinniartitaanermi ataatsimiititaliaq ataatsimeeqataasussanik ilassusiisnaavoq.

Imm. 3. Ilaasortat ilinniakkap ineriartuaarneranik ilisimaarinnilluartuussapput.

Imm. 4. Ilaasortat susasaqartunit imm. 2 naapertorlugu Pisortaqarfiup akuersissutigisimasaanit toqqarneqartassapput. Piffissamut ukiunik sisamanik sivisussusilimmut toqqaasoqartassaaq. Siullermik piffissami 1. august 1999-imiit 31. juli 2003-mut. Toqqagaaqqittoqarsinnaavoq.

§ 7. Qitiusumik ilinniartitaanermut ataatsimiititaliaq toqqaaqqaarnerup kingornatigut ataatsimiinnermi siullermi siulittaasulerluni siulittaasullu tullilerluni inissitsitissaaq.

Imm. 2. Pisortaqarfiup ataatsimiititaliap suleriaasissaanut najoqqutassiaq, aammattaaq ilaasortalersugaaneranut suliaasnullu killissarititanik imaqartoq suliarissavaa. Qitiusumik ilinniartitaanermi ataatsimiititaliaq ataatsimiititaliap suleriaasissaanut siunnersuusiussaaq Pisortaqarfimmit akuerineqartussanik.

Qitiusumik ilinniartitaanermut ataatsimiititaliap suliaasai

§ 8. Qitiusumik ilinniartitaanermi ataatsimiititaliap inuussutissarsiutitigut ineriartorneq aammalu ataatsimiititaliap suliaasqarfiata iluani ineriartorfiusinnaasut malinnaaffigissavai pisariaqartitsinerlu naapertorlugu ilinniartitaanerit nutaat pilersinnissaannut, allangortiternissaannut kiisalu atorunnaarsinnissaannut suliniuteqartassalluni.

Imm. 2. Qitiusumik ilinniartitaanermi ataatsimiititaliap ilinniartitaanerit ilusilersortuarnissaat aaqqissuuttuarnissaallu, taamaalilluni ilinniartitaanerup qaffasissusiata qitiusumik ilinniartitaanerup ineriartortinneqarneranut naleqqiulluni tunngavigineqarnissaa aammalu naammalluinnartuunissaa isumagissavai.

Imm. 3. Qitiusumik ilinniartitaanermi ataatsimiititaliap ukiumi tulliuuttumi ilinniartitaanermi suliaasaa aaqqissuunneqarnerat Pisortaqarfimmut akuerisassanngorlugu innersuussutigisassavaa. Inassuteqarnerup ilinniartitaanermi forstanderiata siunnersuuteqarneratigut pisassaaq.

§ 9. Qitiusumik ilinniartitaanermi ataatsimiititaliap suliamik misiliffiusuni ilinniagassanut tunngasut sapinngisamik pitsaanerpaanissaat suliarissavaa.

Imm. 2. Qitiusumik ilinniartitaanermi ataatsimiititaliap suliffeqarfinnik attaveqarnikkut sulissutigissavaa suliammik misiliiffissat ilinniartut ilinniagassaminnik kissaatigisaannik siunissamilu suliffeqarnikkut periarfissatut naatsorsuutigineqartunik naliliineq aallaavigalugit amerlassusilerneqartut pissarsiarineqarnissaat sulissutigissallugulu sungiusarluni suliffissaasinnaasut suliffeqarfiup angissusia teknikikkullu ineriartornera eqqarsaatigalugit tamatigoortuussasut.

§ 10. Qitiusumik ilinniartitaanermi ataatsimiititaliap Pisortaqarfimmut makku inassutigisassavai:

- 1) Ilinniartitaanernut ataasiakkaanut tamanut ilinniartitsissutissat pilersaarusionerat. Ilinniartitsissutissat pilersaarusionerat ilinniakkap siunertaata imaatalu, sivisussusiata katitigaaneratalu allaaserineqarnerannik imaqassaaq, tamatumani ilanngullugu ilinniartitaanermi tamarmiusumi atuarfiup najugaqarfissap sumi inissinneqarsimanera.
- 2) Suliffimmik misiliiffiusuni sungiusarnissamut maleruagassat.
- 3) Misilitsinnermut nalilersuineri pilersaarusiata maleruagassallu.
- 4) Suliffiit misiliiffiusussat akuersissutigineqarnissaannut maleruagassat.
- 5) Ilinniarfiup suliaqarfiata iluani ilinniartitsinernik nutaanik aallartitsineq.
- 6) Ilinniarfiup suliaqarfiata iluani ilinniaqqiffissanik ingerlaqqillunilu ilinniarfissanik kiisalu allatut atuaqqiffissanik aallartitsinerit.

Kapitali 4.

Qitiusumik ilinniarfiit

§ 11. Qitiusumik ilinniarfik forständerimit Pisortaqarfimmit toqqarneqartumit siulersorneqassaaq.

Imm. 2. Forständeri atuarfimmi suliassanut, allaffitsigut siulersuinnermut aningaasaqarnermullu akisussaavoq.

Imm. 3. Forständeri ukiumi qaangiuttumi atuarfiup suliarisimasai pillugit qitiusumik ilinniartitaanermi ataatsimiititaliamut allakkatigut ukiumoortumik nalunaarusiortassaaq.

Qitiusumik ilinniarfiup suliassai

§ 12. Qitiusumik ilinniarfiup inuussutissarsiutitigut ilinniartitaanermi ilinniarfiup suliassaqarfiata iluani suliniuteqarnerit Pisortaqarfimmit akuersissutigineqartut isumagissavai. Tamatumunnga atatillugu ilinniarfiup makku suliarissavai:

- 1) Inuussutissarsiutitigut ilinniartitaanerit taakkunungaluunniit ilaatinneqartut Pisortaqarfimmit akuersissutigineqartut naammassissallugit. Qitiusumik ilinniartitaanermi ataatsimiititaliap suleqatigalugu ilinniartitaanerit imaat aaqqissuuttassallugit, tamatumani ilanngullugit ilinniagassat pilersaarusioneri, siunnersuusionerit aammalu ilinniarfiusup ingerlanera tamaat atuartitsinermi atortussat suliarinissaat.
- 2) Ilinniartitsinerit nutaat siunnersuusiortassallugit aammalu ilinniartitsinerit pioreersut misissuiffigeqqittassallugit.
- 3) Ingerlaqqilluni pikkorissartitsinerit pikkorissartitseqqinnerillu siulersussallugit naammassissallugillu.
- 4) Najukkani inuussutissarsiutinut ilinniarfinnut Pisortaqarfimmullu ilinniakkat pillugit

siunnersortasassalluni.

5) Ilinniarfiup ilinniartuinut ilinniartitaanikkut inuussutissarsiutitigullu siunnersuineq isumagissallugu.

6) Pisorta qarfiup erseqqinnerusumik innersuussineri malillugit suliasat pisariaqartinneqartut inuussutissarsiutitigut ilinniartitaanermut attuumassuteqartut isumagissallugit, tamatumani ilanngullugit STI-ni aqutsinikkut suliasat.

§ 13. Qitiusumik ilinniarfik qitiusumik ilinniartitaanermi ataatsimiititaliamut ataatsimiititalianulluunniit ilinniarfimmi ilinniartitaanernut attuumassuteqartunut allattoqarfiuvoq.

Kapitali 5.

Ilinniartitsisut siunnersuisoqatigiivi

§ 14. Qitiusumik ilinniarfinni tamaginni ilinniartitsisut siunnersuisoqatigiivi pilersinneqassapput. Ilinniartitsisut siunnersuisoqatigiivi fortanderimik, inspektørinik faginullu ilinniartitsisunik tamarmik aalajangersimasumik atorfeqartunik inuttaqassaaq.

§ 15. Ilinniartitsisut siunnersuisoqatigiivi ilinniagassanik aalajangersimasunik ilinniartitsisut aalajangersimasumik atorfeqartut akornanni namminneq siulittaasussaminnik qinersissapput. Qinersineq ukiumoortumik qaammatip septemberip naannginnerani pisassaaq ukiullu atuartsiviusup sinneranut atuuttassalluni. Qinigaaffiup nalaani siulittaasoq tunuarpat, ukiumut atuartsiviusumut sinneruttumut qinarseqqittoqassaaq.

§ 16. Ilinniartitsisut siunnersuisoqatigiivisa sulinissaminnut malittarisassat namminneerlutik aalajangersartassavaat.

§ 17. Ilinniartitsisut siunnersuisoqatigiivinut ilaasortat ilinniartitsisut siunnersuisoqatigiivisa ataatsimiinneranni pinngitsooratik najuuttussaataapput.

Kapitali 6.

Ilinniagaqartut siunnersuisoqatigiivi

§ 18. Qitiusumik ilinniarfinni tamaginni ilinniagaqartut siunnersuisoqatigiivi pilersinneqartassapput.

Imm. 2. Ilinniagaqartut siunnersuisoqatigiivini ilaasortat tassaassapput ilinniarfimmi klassit, holdit, ukiumi ataatsikkut aallartittut, ilinniakkat, ilinniakkat iluini sammiviit assigiinngitsut allatulluunniit naleqquttumik agguataarinerni ataasiakkaani atuartut sinniisaat. Ilinniagaqartut siunnersuisoqatigiivisa siulittaasoq taassumalu tullissaa namminneq iluminni qinissavaat.

Imm. 3. Pisorta qarfik ilinniagaqartut siunnersuisoqatigiivinik qinersinissamut malittarisassanik aalajangersaasinnaavoq.

§ 19. Apeqqutini tamanut attuumassuteqartuni ilinniagaqartut siunnersuisoqatigiivi ilinniarfiup siulersuisuinut ilinniartitsisuinullu ilinniartut sinnerlugit saqqummertassapput, taakkualu kissaateqarneri naaportorlugit suliasani aalajangersimalluinnartuni ikiortassallugit.

Imm. 2. Ilinniagaqartut siunnersuisoqatigiivisa suleriaasissatik namminneq aalajangersassavaat.

Forstanderip suleriaasissat akuersissutigissavai.

Kapitali 7.

Atortuulersitsinermit atorunnaarsitsinermilu malittarisassat

§ 20. Nalunaarut 1. januar 1999 atortuulersinneqarpoq.

Imm. 2. Tamatumunnga peqatigitillugu inuussutissarsiornermi ilinniartitaanerup siulersorneqarnissaanik nalunaarummi nr. 20, 27. maj 1991-imeersumi aalajangersakkat makku atorunnaarsinneqarput:

1) §§ 1 - 4 aamma §§ 24 - 31 qitiusumik ilinniartitaanermut ataatsimiititalianut qitiusumillu ilinniartinnut tunngatillugu atorunnaarsinneqarput.

2) §§ 5 - 14 atorunnaarsinneqarput.

Namminersornerullutik Oqartussat, ulloq 19. november 1998..

Konrad Steenholdt

/

Karl Kristian Olsen